





明善堂詩集卷六目錄 己未

賜諸王宴并內緞盆景等物

恭和

御製新正二日集廷臣仿柏梁體賦詩後復作七


律一首原韻

西山積雪次韻

春日過碧澗山莊和壁間韻

二次登金山

隨





駕耕藉奉

命登舟至瀛臺恭紀

從

耕藉田得雨

蒙

賜

世宗皇帝文集恭紀 二首

再至園中

海淀道中口占 未用前人句收

對花

晚步

湯山晚歸

園中走馬至快哉亭小憩

至普覺寺

娑羅樹

五華寺

香山

來青軒

玉泉山晚眺

舟中射雉奉

母

榆錢

送春

月夜同友人泛舟

同人遊園偶成

咏清閒偶作一字起至七字詩二一首

侍

母登挹秀亭看山

自海淀送

母至府第口占

登翠屏山

觀雲

至通州題壁

幽意

坐四知堂

靜坐



明善堂詩集 卷之六  
三  
怡仁堂講古文

續夢中句 并序

六月六日

上賜荷花恭紀

園中憶友

朝回至園

園中得水泛舟

登東園山憶友

夏日閒遊歌贈友人

含輝堂午睡初起

夜月登舟

夜雨和韻 四首

同人延綠樓分咏

六月廿八邀林沈二師從怡仁堂前登舟遊  
別一洞天至快志堂看竹登平臺望西山復  
至宜春苑坐延綠樓晚上迎秀閣納涼賦詩  
和韻四律

觀舊作戲成六韻

七夕四首

潭柘道中至臥龍岡

題潭柘寺

戒壇遙望

戒壇看松

新秋偶作

流霞館

恭祝

母壽

重陽值齋宿

重陽後二日登東園山

種菊

初冬園居卽事次韻 十首

冬夜觀舊作有感

皇上下閱禮成恭紀

扈從南海子隨

圍恭紀

對雪



冬夜見梅影憶舊 有序

Blank columns for the main text of the poem.

明善堂詩集卷六 己未

賜諸王宴并內緞盆景等物

樂奏鈞天協鼓鐘蓼蕭

恩渥慶時雍共

頒內府天孫錦小景還分春色濃

恭和

御製新正二日集廷臣仿柏梁體賦詩後復作七律

一首原韵

相隨鴛鴦列班聯酒賜屠蕪淑景鮮

彤陛毫揮超漢製

御爐香靄入堯年風和金闕開宮扇日暖銀潢啟繡

筵自是髻年蒙

教育勉持吟管和

瑤篇

西山積雪次韻

白雪平鋪路渺茫削成玉嶺吐清光冰花點綴迎  
朝日瓊樹紛披冷夕陽鵲立斷橋飛不起僧尋歸  
逕踏何方銀屏排列三千座正好開尊引興長

春日過碧澗山莊和壁間韻

春日山莊好遊人此地過水流注深澗花發障平  
坡窻外紅塵少竹間詩句多停驂戀游衍可奈夕  
陽何

二次登金山

桃花滿澗柳垂隄片片閒雲襯馬蹄遠上山頭重  
注目紅塵十丈日平西

隨

駕耕藉奉



明言堂詩集 卷之六  
命登舟至瀛臺恭紀

三推黛耜仰

恩波可但神倉黍稌多

天語忽傳臨太液協風輕颭送龍舸

從

耕藉田得雨

青旗鸞輅出天街

聖主躬耕帝藉來誰遣雨師勤灑道花香十里不生

埃

蒙

賜

世宗皇帝文集恭紀 二一首

玉笈琅函出

九天煌煌謨訓載芸編讀時敬盥薔薇露餘澤空教

憶昔年

其二

浩蕩 恩波江海深椿庭詩句未銷沈

先皇王考羹墻見三復追思淚滿襟

再至園中

山容掩靄水潺湲好景欣逢二月天  
幾片明霞曲檻外千堆艷雪小樓前  
柳腰低舞拖春水松蓋高擎挂曉烟  
如許風光堪對賞石闌獨倚興悠然

海淀道中口占未用前人句

鶯藏嫩柳奏笙簧策馬西郊

輦路旁欲問春光在何處桃花歷亂李花香

對花

四面花開錦作圍東風着意鬪芳菲  
十分春色應

須惜燕剪偏來上下飛

晚步

獨步閒堦送暮鴉遙看春水映殘霞  
落花風送迴廊下更聽池塘處處蛙

湯山晚歸

春日山中景色新遙看花柳隱前村  
和風披拂鶯聲裡策馬歸來日漸昏

園中走馬至快哉亭小憩

兩岸柳陰飛絮絮青驄踏遍落花極  
目遠山如畫還



聞幾處鳴哇

至普覺寺

鐘聲何處動尋逕到前山初地幽而靜老僧清且閒  
水流隨澗注雲起繞岩間頓切皈依念宗風莫可攀

娑羅樹

疑是祇園樹如何此地栽娑娑當客坐蒼翠荷僧培  
初地垂虬幹禪房映碧苔更忻幽靜意仙梵出林來

五華寺

五華亭子據山巔萬樹櫻桃一色嫣歇馬柳陰遊賞  
遍還依石磴聽流泉

香山

山蹊繚曲少行踪萬樹松花落午風寺古僧無鐘磬  
寂苔閒花靜鳥翻空

來青軒

山亭登眺夕陽西綠柳青松映碧溪知是當年遊幸  
處至今瞻仰有璇題

玉泉山晚眺

山嘴常噴雪遙看烟樹低明霞十萬丈照耀日沈

西

舟中射雉奉

母

亭午舟行柳蔭寬一灣碧水激迴湍應弦射得中

林雉馳奉

慈闈佐晚餐

榆錢

歷歷隨風去復回鋌環鶯眼不須猜等閒盡付司  
花使暗把春光買得來

送春

風暖庭前鶯漸稀凭欄獨見柳花飛春光九十渾  
如夢無限深情對落暉

月夜同友人泛舟

春水潺湲碧樹幽月明一棹放中流眼前好景添  
詩興聊當江南載酒遊

同人遊園偶成



明善堂詩集 卷之六  
首夏園林勝清遊遠俗氛翻堦紅藥艷挂壁綠蘿  
紛啖影魚知樂當風鶴不羣相將攜茗椀對此坐  
斜曛

咏清閒偶作一字起至七字詩 二首

清清竹韵松聲聽鳥唱愛泉鳴烟籠茶竈花落棋  
枰揮塵二三友紉蘭四五莖有時登亭放鶴無事  
臨流濯纓漏永倦來冰簟冷黑甜初覺玉鈎明

其二

閒閒獨酌高眠枕白石漱青泉鹿依檻畔鷗立沙

邊清吟倚修竹趺坐學枯禪徙倚誰知目豁逍遙  
不羨腰纏三春紅雨自呼酒九夏綠雲看捕蟬

侍

母登挹秀亭看山

西山一帶晚烟生簾捲幽亭景色清  
扶得板輿供遠眺殘霞多向翠鬟明

自海淀送

母至府第口占

板輿朝奉出園中石路迢迢楊柳風此日

明言堂詩集 卷之六  
萱堂歸邸第鳳城景色正初融

登翠屏山

雲封一帶翠屏好古寺無人行迹少我來策馬登山巔遙挹烟霞亂啼鳥

觀雲

山凝翠黛疊奇峯初夏雲蒸樹色濃駿隼忽看頭上黑應知天意眷三農

至通州題壁

門對東流水窓開北面涼漁歌來枕畔牧笛起村

傍繞砌花多笑環牆柳數行客途一小憇策馬度河梁

幽意

高捲湘簾出篆烟黑甜初覺步堦前已知修竹能消暑不管閒花各鬪妍魚樂鏡塘時潑刺蝶穿香徑自蹠躑薰風披拂心多爽靜對棋枰度小年

坐四知堂

願向關西步後塵三鱣講席未能親却金五夜人堪憶小坐匡床亮節新



靜坐

靜坐空齋五月天閒中無事意翛然一簾苔影侵  
書幌半澁鶯聲破柳烟端石硯凹猶有墨焦桐琴  
挂亦無絃正襟頓覺心虛寂何必山林學散仙

怡仁堂講古文

狼籍牙籤擁案前薔薇新盥對名賢八家各擅屠  
龍技半榻閒抽走蠹編講到渡瀘心比日情陳烏  
鳥淚如泉是日講前後出師表及陳情表願移刻月裁雲手好把  
網維一幹旋

續夢中句

并序

予退朝後誦讀閒歇正芳鶯細弄笙簧春  
柳輕搖金線聽觀之時不覺入於黑甜之  
鄉矣且夢與友人談論世情各賦一詩及  
醒而已忘友人之句已惟已之夢句猶憶  
一半遂續成一律以紀其事云

瞬息光陰遞四時盈虛消長暗推移去來燕子何  
嘗定開落春花自有期僕僕風塵人自老紛紛車  
馬事成痴可憐世上浮名客及醒迷途已覺遲

明言堂詩集 卷之六 九  
六月六日

上賜荷花恭紀

太液池花不染塵

頒來猶帶露華新中通外直無雙品得

領清香荷

聖人

園中憶友

六月園中風景幽花香處處水爭流鳳城遙隔雖  
三十未得乘閒時共遊

朝回至園

昨宵一雨淨塵氛滿苑蟬聲樹裡聞漫放小舟花  
下過新荷一片更清芬

園中得水泛舟

楊柳風前一望迷閒撐畫舫過橋西獨欣昨夜三  
更雨十畝橫塘綠漲堤

登東園山憶友

雨後塵氛洗清幽恰此時柳枝低拂檻蓮葉翠翻  
池遠岸千峯峙荒村一騎馳懷人正無限新句寄



相知

夏日閒遊歌贈友人

夏木陰陰書景長斜風燕子飛低昂一枕黑甜興  
未央陶然自謂是羲皇睡起不知在何處拭目一  
觀知避暑蕉書萬卷緘如許紅藕花中鷗鷺語提  
壺挈榼一行行對此清涼漱醪醕微酣不于山之  
幽長嘯披襟坐石頭溝塍輪漣曳碧流牧童橫笛  
騎耕牛樹葉垂陰綠於油薰風披拂疑清秋太息  
行人正揮汗火傘高擎沙石爛別有天地容我游

氣候恍惚殊昏旦安得子野閒操縵清商一鼓炎  
蒸散太空盡撤洪爐炭擁出冰輪照銀漢

含輝堂午睡初起

松風一榻雨餘天睡起凭欄俗慮蠲綠柳陰中鶯  
斷續紅蓮花下鷺蹢躅塵氛不到池塘靜雲影新  
移日色連好是虛堂饒韻事湘簾輕篆古爐烟

夜月登舟

綠接湖光雨後鮮維舟初放喜開筵雲痕細渡樓  
頭月風皺晴紋水面天何處梵鐘連野岸誰家玉

笛和山泉正當葉落新秋裏好向池塘一棹烟

夜雨和韻 四首

驟雨夜如注空塔起急波簷前看不歇窗外聽初  
訛亭樹鴉棲覺山塘蛙鼓多更闌人語靜獨酌漫  
高詞

其二

好是宵無事身清恍若僧經營半牀夢寂寞一龕  
燈意趣隨時拓心情遠世矜憑欄向雨語山溜苔  
如磨

其三

林際渾難辨山腰鶴唳孤塵襟新濯濯幽意足愉  
愉農父心偏慰秋成歲豈誣隔溪露微火漁艇傍  
汀蘆

其四

雨足池塘漲風涼入夜深乍消炎熱氣盡滌鬱蒸  
心倍覺園林爽遙看烟嶺沈微吟未假寐向曉尙  
涔涔

同人延綠樓分咏



明善堂詩集 卷之六  
延綠樓開夏日長平堤一望水波揚黃鸝舌轉陰  
陰木紅藕花飄冉冉香西嶺雲生將作雨北窓風  
度欲生涼留賓非效陳遵意只爲聯吟貯錦囊

六月廿八邀林沈二師從怡仁堂前登舟遊  
別一洞天至快志堂看竹登平臺望西山復  
至宜春苑坐延綠樓晚上迎秀閣納涼賦詩

和韵四律

西山一帶望中收雨足園林曲曲流鶴鹿成羣亭  
畔臥樓臺倒影水中浮樂同賓主聯新咏喜集師

生作勝遊漫上小坡還縱目野鳧白鷺滿汀洲

其二

夾岸垂楊一色青輕舸正好放湖亭簾前水色添  
詩興檻外山光卽畫形菡萏飄香來綺閣芭蕉抽  
翠蔭閑庭乘涼六月渾無暑隔樹吟蟬任客聽

其三

碧池直與玉泉通返櫂廻舟一鏡中入苑蜀葵傾  
白日登樓湘竹引薰風蝶穿曲徑閒情遠鷗浴清  
波樂意同到此餘炎盡消釋恍疑身在碧霄宮

其四

閣中閒眺見遙岑習習輕風襲素襟滿沼荷花香  
作陣繞隄柳色綠成陰晶盤堆果分清爽茶竈烹  
泉助雅吟徒倚不知山已暮更看斜日下深林

觀舊作戲成六韻

六年如一瞬愛羽獨流連心苦恒攻讀吟恬率作  
篇春光輝爛熳秋月照澄鮮夜坐明窓下時敲淨  
几前求工翻恨拙愛博豈情專俯仰皆陳迹追尋  
意惘然

七夕

穿針樓上逢良夜今夕銀河待渡時滿砌蛩吟聞  
檻外一灣新月掛松枝

其二

鵲橋自古傳佳話乞巧何人步畫庭風定疎簾秋  
夜靜好將花果供雙星

其三

月轉梧桐夜倍深微雲遙接影沈沈柝聲敲過東  
牆外伴我中宵仔細吟



其四

此夕應知未易過步簷一望見星河拋梭良會知  
難遇猶恐蛛絲結不多

潭柘道中至臥龍岡

聞說西山好等幽此地偏危峯斜日掛古磴白雲  
連犬吠臨深澗鐘聲落遠天行行何處宿暮色已  
蒼然

題潭柘寺

西山諸寺此爲先隱隱山中聽石泉幾片白雲沉

嶺上千竿翠竹映窓前曇花開處如微笑溪鹿遊  
時似解禪清磬敲來塵夢覺遠入蓮社有因緣

戒壇遙望

古寺清幽接遠岑一時容我作閒身白雲來往渾  
無定笑指征途十丈塵

戒壇看松

閒遊來此地寺古見喬松覆蔭圓如蓋盤挈矯若  
龍濤聲難入畫霧氣欲迷蹤相對渾忘去遙聞別  
岫鐘

新秋偶作

颯颯涼飈起晴空暑漸消葛衣猶可曳葵扇不須  
搖池綠擎荷蓋亭陰藉柳條閒看鷗鷺立秋水正  
迢迢

流霞館

秋花開遍繞閒堦蜂蝶還來傍石苔喜得爽晴人  
不倦金風披拂有香來

恭祝

母壽

慶壽筵開九月時承歡舞彩奉瓊卮折來丹桂金  
風拂種得黃花玉露滋青鳥踟躕天屢眷紫烟繚  
繞福爲基瑤堦同拜多孺慕敬獻

萱堂祝嘏詞

重陽值齋宿

不把茱萸泛玉觴齋心虔肅坐書堂龍山舊事虛  
高會靜對黃花到夕陽

重陽後二日登東園山

登高何必是重陽幾日西風葉便黃鵲噪寒林穿



明善堂詩集 卷之六  
別圃雁飛碧落到遐方已無野卉分秋色祇有蘆  
花作雪揚竚立山頭聊縱目遠峯夕照入微茫

種菊

呼童盡掃風吹葉自向庭前種菊花不獨耐寒誇  
晚節更教秋色勝山家

初冬園居卽事次韻 十首

小築山園冬又來向陽猶見野花開寒塘似鏡雲  
如練一望空亭絕點埃

其二

夜深無事臥吳綾膏冷光殘對一燈待得霜鐘敲  
徹後亭南池水盡成冰

其三

望裏晴山木葉空胎禽低舞破霜風竚看此際淒  
清處數點寒雲碧落中

其四

行到溪頭塵事無天邊時聽雁聲孤西山雲冷將  
飛雪又是天成一畫圖

其五

明言堂詩集 卷之六  
柿葉初紅萬寶成  
築場納稼阜民生  
井烟歷歷凝空碧  
更聽村村擊壤聲

其六

寒天雲物總蕭蕭  
木脫風前倍寂寥  
獨喜一爐閒撥火  
清吟且自度清宵

其七

撫編日短易銷磨  
靜裡偏聽落葉多  
惟有楓林紅欲醉  
斜陽掩映暮鴉過

其八

濃香萬斛記前時  
樹老天空若個知  
試上山南亭子望  
幾行疎柳映寒池

其九

靜坐林中一小廬  
鶯歌蝶舞已成虛  
雙扉晝掩斜陽冷  
獨自閒吟又自書

其十

剩有東籬幾種花  
寒香晚節自堪誇  
何須定是陶彭澤  
痛飲高吟興獨賒

冬夜觀舊作有感



銀燭光寒白慮無夜深楫楸可煨爐披吟舊句憐  
毛羽檢點新題愧瑾瑜人跡不來空有月詩腸已  
澁且傾壺最嫌漏永渾無賴出對蒼烟一嘯呼

皇上大閱禮成恭紀

聖主親臨大閱兵朱旗畫戟鐵衣明六師整暇軍容  
肅不動浮塵萬騎輕

扈從南海子隨

圍恭紀

積雪滿遙岑圍成列騎森金鉤旋碧澗竹耳躍寒

林技比追風捷

恩如解網深三驅勤習武不是愛從禽

對雪

三千銀世界玉屑撒遙空謝女才非絕陶家味不  
同泛舟真有意策蹇恨無從獸炭圍爐撥翛然興  
不窮

冬夜見梅影憶舊

有序

昔年冬日子曾與友人夜坐講習吟咏每  
至更深時見梅影橫窓柝聲盈耳殊自得

也今以事繁不能勤於誦習友亦不復至  
余深夜餘暇臥而觀書恰又梅香撲鼻影  
橫窻上恍同昔日有憶於心因成二十韻

歲月冉冉逝忽焉如兩人去年每夜坐遺編閒討  
論賞奇疑必析溫故知其新老梅散清馥瘦影窺  
窻頻柝聲忽四起茗椀乃相親此中得真趣一室  
靄如春吾心有所會友情罔不申揮塵何侷儻雄  
談無比倫自今日擾擾聚首何其少顧影倍無聊  
光陰殊草草塵網旣已縈素琴誰復抱有書雖畧

觀有詩難脫稿嗒然緬清新默爾慚纖巧入夜坐  
吟軒寒月臨窻早掩映一枝斜猶似舊梅好心神  
一以清俗慮忽如掃于焉憶昔時風景猶了了空  
嗟擲兩丸舊事迹何杳挑燈寄苦吟離羣聊自表  
努力惜分陰令名庶可保



明善堂詩集卷七目錄 庚申

蒙

御賜臣母遐齡養福匾額恭紀

蒙

御賜忠孝為藩匾額恭紀

蒙

御賜明善堂匾額恭紀

途中卽事

獨樹村閒眺

明善堂詩集 卷之七  
初夏泛舟

同友人舟中玩月小飲

蘭生草中因惜賦之

登西嶺雲霞懷友

喜雨

先父王十週忌辰感賦

雨窓晚眺

雨後園景次韻 四首

舟行

新霽看月

明善堂觀荷

隨

駕幸靜明園卽事恭紀

靜寄山房偶興

立秋日作二首

聞歌

賀晴江林師陞授侍讀

恭和賜 臣



明善堂詩集 卷之七  
御製七律一章原韻

中元

病中秋思

園居偶興

九日登高作

盆梅初放

觀朱子全書

明善堂詩集卷七 庚申

蒙

御賜臣母遐齡養福匾額恭紀

正屆春風雨霽時

天章寶翰九重施遐齡養福

皇心佑臣母從今百壽宜

蒙

御賜忠孝為藩匾額恭紀

坐愧春風雨露天屏藩漫厠已周年

明善堂詩集 卷之七  
宸翰忽出龍文燦內史新頒德意宣報國惟忠心莫  
懈娛親以孝分宜全欽承

明訓臣尤惕敢負 恩光日月懸

蒙

御賜明善堂匾額恭紀

曾聞明善始誠身

聖訓殷殷出紫宸深荷

龍章惠

臣下謹將緇潔答

慈仁

途中卽事

芳花明紫陌策馬破晴烟柳絲長堤拂松青古塚  
連雲飛攢翠岫水漲入春田好值催耕候風和雨  
霽天

獨樹村閒眺

村林景作畫圖看曲逕晴烟綴碧竿更好小橋楊  
柳畔一溪新水起微湍

初夏泛舟

夾岸桃花紅雨殘春風二月幾遊觀却憐一棹垂



楊下飛絮空中又作團

同友人舟中玩月小飲

兩部蛙鳴入夜時  
柳陰槐蔭接清池  
却欣知己同  
謔月正可談心共  
詠詩露浥花香人  
意靜烟凝蘭  
槩岸風遲愛間不  
覺忘塵慮適興還  
傾酒數卮

蘭生草中因惜賦之

玉石各有真薰蕕安足猜  
好醜從其類造物何心  
哉青青空谷草鬱鬱雜莓苔  
隨風不自主雨露空  
滋培嗟爾王者香寂寞山  
之隈黯然其無色傍此

小草開不偕芷止與蕙秀質埋塵埃  
芊芊胡可恃誰實爲之媒  
隕霜忽黃萎野燒成燼灰  
爾生不擇地至此同其摧  
靈均爲爾嘆宣父爲爾哀  
我欲芟夷之務使絕根  
芟無如已滋蔓蕪穢欲成堆  
我今拔爾類俾爾遠蒿萊  
秋來對老竹春至倚仙梅  
吐馨襲我袖抽叢傾我杯  
同心兩相契何必倚雲栽  
紉佩惜遲暮應教君子來

登西嶺雲霞懷友

風光依約還如舊  
今日何當兩地分  
獨上小樓頻

縱目心隨飛鳥到斜曛

喜雨

聖朝勤稼穡不必用蒲鞭石燕因時起潭龍不敢  
眠電隨風伯後雲擁雨師前九穗禾堪慶甘霖自  
沛然

先父王十週忌辰感賦

春露秋霜已十年 仙駒長逝杳難攀

靈椿空恨音容遠鑽燧頻移頃刻間縱有虎鹽堪  
盡禮會如羊棗得承顏芙蓉館裏誰為主欲問蒼

穹淚自潛

雨窓晚眺

獨坐高樓欲雨天奇峯四起鳥驚還輕雷忽作甘  
霖降一洗西山翠岫烟

雨後園景次韻

樓閣重登極目賒西山雨霽見殘霞陌頭一片垂  
楊綠飛出青旗是酒家

其二

風生蘋末漾波痕得句偏宜酒一尊樹色山光淨



明善堂詩集 卷之七  
如沐雲開遙見兩三村

其三

舟行水面晚涼天擊楫微吟喜雨篇好是風來新  
霽後飄飄人說是登仙

其四

閒窓月上轉松枝領畧清幽祇自知最愛雨餘風  
色澹遠山圖入輞川詩

舟行

蟬聲斷續小溪邊雨後清涼六月天好是心閒無

箇事柳陰閒棹打魚船

新霽看月

雨洗秋空淨垂虹臥石梁磨開金鏡翳擁出玉輪  
光修竹全無暑殘荷可納涼何須卜畢宿銀漢瀉  
波長

明善堂觀荷

出自淤泥異衆芳亭亭雲錦映方塘漫憐西子凌  
波笑可愛楊妃帶醉粧霞散中流擎翠蓋雨餘曲  
檻逗清香憑欄把酒堪欣賞歸去風清夕照涼

駕幸靜明園卽事恭紀

繞隄新濕綠楊烟

御輦經行度陌阡雨足郊圻

天意喜欣覘多稔是豐年

靜寄山房偶興

朝回退食似閒人坐聽鳴蟬斷續吟別院清幽堪

寄興漁舟遙繫綠陰深

立秋日作

新涼颯颯起堦墀金井梧桐葉落時暑氣漸除秋

意作流光不覺暗中移

其二

月白中庭景色饒已知秋意在今宵曲闌深處閒

憑眺菡萏池邊香更飄

聞歌

清如越女采菱歌嫋嫋餘音翠箔過誰信繞梁三

日後空令人憶妙韓娥

賀晴江林師陞授侍講



明言堂詩集 卷之七  
時坐春風几席前先生稽古腹便便忽聞宣

旨超三級知是窮經已十年史奏彩雲凝講幄人看  
晴日度花磚清班自此多聲價摛藻

天廷邁昔賢

恭和賜臣

御製七律一章原韻

御墨含香出紫宸何當

睿藻錫微

臣

葵心悚切惟傾日

天語恩濃似飲醇賦有三都應遠遜歌傳八伯不堪

倫自從

黼座龍章逮薤葉紛披一室春

中元

荷燈浮水燦如星槐市花香帶露清翠蓋高擎人  
未睡玉盃蘭齊設月初明織衣舊制會無典赤壁閒  
遊可適情笑煞闌黎紛雜沓亂敲鐘鼓鬧深更

病中秋思

藥鐺沸沸病魔牽一枕西風葉落天蟲臂鼠肝叅  
活象黃花翠竹悟新禪形癯到此偏多靜骨瘦依

然不受憐辜負秋光留不住支願空自嘆流年

園居偶興

清幽小築挹秋光四壁蟲聲帶夕陽倚檻斟殘一  
尊酒銷除塵慮意徜徉

九日登高作

登高遙望氣蕭森紅葉晴山秋又深此日宴開亭  
子上好看晚照菊如金

盆梅初放

甃盆斑剝石痕蒼短日垂簾對澹粧馥馥襲人寧

可狎含情不肯洩春光

觀朱子全書

天心有明月案頭有遺編披此晦翁集意境何脩  
然象山异其旨濂溪開厥先微言淡而永精義鑽  
彌堅高者出九華深者入重泉鼯鼠腹易滿霧豹  
窺未全周孔延絕緒黃蔡宗真詮婺水良不朽立  
言千載傳



明善堂詩集卷八目錄

辛酉

上元前三日喜雪

園中紀事四首

春日太和殿早朝恭紀

城南齋宿口占

再至園紀事五首

冰玉山莊對雨

夜坐

夏日雨窓偶成二首

夏日小蓬萊卽事二首

七夕雨

月夜

秋日靜憇亭自述

秋興

至普覺寺

過渾河

遊潭柘寺

姚少師祠

戒壇

溫泉亭題壁

中秋日作

再至碧雲寺

香山來青軒

法海寺

聖感寺

大覺寺

至十三陵



道中小憇

明善堂詩集卷八

辛酉

上元前三日喜雪

同雲四合滿山腰  
飛舞長空六出飄  
未看華燈先賦雪  
瓊瑤留待賞元宵

園中紀事

桃花歷亂笑春風  
無限韶華向日融  
一棹小舟來曲岸  
恍如身在輞川中

其二

和風晴日柳絲輕  
挈榼雙鬟樹底行  
亂折花枝人

明言堂詩集 卷之八  
不見綠陰深處但聞鶯

其三

遲日園亭景正芳  
綠池波靜映垂楊  
小橋行過尋花逕  
吟入春林字亦香

其四

鞦韆架畔趁春遊  
嫩綠嬌紅縱目收  
聞報園東花更發  
還忻明月上扁舟

春日

太和殿早朝恭紀

曉聞禁漏滿春城  
闔闔門開上殿行  
叨侍

玉皇瞻負展金階  
身染

御烟輕

城南齋宿口占

和風遮道覺寒輕  
喜奉

鑾輿侍耜耕齋宿先期明至  
潔城南待旦數傳更

再至園紀事

復到閒園百卉芳  
春風過處拂衣香  
泛舟湖上怡情處  
一棹拖烟夾綠楊



其二

看雲日日對遙山  
紅杏梢頭燕子還  
更愛鶯聲啼不住  
雙柑攜坐畫樓間

其三

亭臺清曠遠紅塵  
一帶垂楊映水濱  
看到十分須護惜  
牡丹芍藥更宜人

其四

西山菴畫隔輕烟  
曲檻長廊步履邊  
一片春光誰領略  
夕陽吟罷獨留連

其五

得月軒西山送青  
含風亭外水波平  
漁人蕩得船來往  
絕似桃源洞口行

冰玉山莊對雨

茅簷一帶似農家  
細雨朝來入軟沙  
飛燕歸簾沾柳絮  
游魚出水暖蘋花  
雲迎遠岫看疑暗  
烟鎖深枝望欲賒  
閒坐山窗幽意足  
數聲鸚鵡又催茶

夜坐

蛙鳴兩部近黃昏  
響雜流泉勢欲奔  
不那含愁夜

深坐滿天風雨暗前村

夏日雨窗偶成

臺榭清幽少點塵  
綠楊低拂繞漣淪  
濃陰四布山頭雨  
清賞閒窗縱日頻

其二

山氣空濛樹鎖烟  
涼生冰簟雨來天  
靜觀每喜心無碍  
點滴荷珠箇箇圓

其三

濕雲不散雨頻添  
亂飈乘風滴畫檐  
青草池塘新

水漲御溝流處野田霑

夏日小蓬萊卽事

夏日閒居靜且幽  
偶乘逸興過芳洲  
林深鳥語消煩暑  
勾引清風上小樓

其二

面面疎櫺勝地偏  
閒消晝永坐怡然  
西山忽見奇峯合  
又是鳴鳩喚雨天

其三

高閣涵虛枕碧流  
天光雲影望中收  
清涼一界超



凡境小榻閒眠借早秋

七夕雨

星沉銀漢渡微雲約畧填橋夜已分惟問今宵風  
雨過可曾飄送濺仙裙

月夜

秋月正空明含輝萬象清園林轉疎越相對足陶  
情

秋日靜憇亭自述

碧梧涼動景偏清疎柳塘邊蟬亂鳴練影曉臨秋

水濶翠眉晚對遠山橫數聲鶴唳穿林遠一縷茶  
烟入坐輕因病乞閒消受得掃除塵慮不教生

秋興

靜對幽窻日影紅園林幾處醉丹楓只緣多病秋  
光裏覓得餘閒晚坐中鳳嶺遙思馳駿馬龍沙想  
見逐飛熊

君王講武軍威肅千里心依

帳殿風

至普覺寺

秋日涼風動等幽到寺中石泉流細響古栢發青  
蔥心靜耽禪理身閒悟法空偶來吟賞遍意緒自  
融融

過渾河

一葦中流渡微風水不波秋雲連岫遠野木傍崖  
多驢背供吟眺車前足嘯歌人間行自適夕照滿  
山坡

遊潭柘寺

古寺留名久乘閒此處過嶺高松自響澗曲水成

波葉落秋光老山深鳥語多扶筇時步履遊興劇  
如何

姚少師祠

松栢青青石作屏山容無恙護神靈兵戈一代興  
王業今日遺祠尚勒銘

戒壇

西山老寺古相傳方外清幽講定禪遠仰宗風垂  
法戒何人此處悟真詮

溫泉亭題壁



明詩堂詩集 卷之八 六  
憑高四望秋容老樹繞閒亭亂啼鳥擬乞閒身且  
作緣烟雲十里空如掃

中秋日作

喜逢三五坐移時欲繪芳辰只詠詩滿耳蟲聲吟  
漸細一園秋色晚尤奇山前疎柳金風動池上枯  
荷玉露滋最愛鈎簾明月上桂枝香裏泛瑤卮

再至碧雲寺

春風曾向此山遊山下飛泉曲曲流駐馬重臨無  
限思白雲紅葉足勾留

香山來青軒

策馬登山曲逕通諸天香氣靄晴空來青此日多  
秋意卅里丹楓一色紅

法海寺

徑僻禪林白晝幽乘閒此日劇堪遊峯迴法界凌  
霄漢無限秋光縱日收

聖感寺

長堤走馬謝塵緣聖感來過路亦偏底事牽余遊  
興劇野棠花發滿山前

大覺寺

巉巖絕澗任徜徉古刹青松映夕陽悟入圓空成大覺清風明月滿禪堂

至十三陵

帝業銷沉古木凋至今遺蹟說前朝偶尋廟貌荒烟冷滿谷秋風嘆寂寥

道中小憩

亭畔幾竿竹嶺頭千樹松吟詩倚絕壁不管路匆匆



